

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KTK 0059672 24
Zenica, 02.10.2025. godine**

**OPĆINSKI SUD U TEŠNJU
sudija za prethodno saslušanje
TEŠANJ**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

- 1. M. N. zvanog N.,** *neosuđivan,*
- 2. B. M. zvanog J. i G.,** *neosuđivan,*

Što su zajedno,

Dana 24.07.2024. godine u mjestu ..., na području općine Usora, tokom vršenja inspeksijskog nadzora ugostiteljskog objekta „...“, vlasništvo M. N., koji nadzor su vršili kantonalni tržišni-turističko-ugostiteljski inspektori Kantonalne uprave za inspeksijske poslove Zeničko-dobojskog kantona M. A. i J. Š. i to po nalogu za postupanje broj ... od 23.07.2024. godine, kojom prilikom su utvrdili manjak gotovine u odnosu na evidentirani promet u gotovini na fiskalnom uređaju i povodom čega su vlasniku saopštili da će mu biti uručen prekršajni nalog sve postupajući u skladu sa svojim ovlaštenjima iz člana 49. stav 1. Zakona o inspekcijama ZDK („Službene novine ZDK“ broj 6/2011, 15/2021 i 18/2024) i obavezom iz člana 54. Zakona o prekršajima F BiH („Službene novine Federacije BiH“, br. 63/2014 i „Sl. glasnik BiH“, br. 41/2022), u vezi sa članom 33. Zakona o fiskalnim sistemima F BiH („Službene novine F BiH“ broj 81/09), M. N. najprije ponudio novac inspektorima da mu se ne piše prekršajni nalog, svjestan da na taj način službenim osobama u Federaciji čini dar da u okviru svoje funkcije ne učine što bi morali učiniti, što je i htio, pa kada su to inspektori odbili, do njih prišao B. M. tražeći da mu inspektori pokažu legitimaciju i nalog za kontrolu, pa kada mu je inspektorica M. A. rekla da on nije predmet kontrole i zatražila od njega da napusti prostoriju i omogući im dalji rad, što je u smislu člana 74. Zakona o inspekcijama Zeničko-dobojskog kantona dužno učiniti svako lice koje se zatekne na mjestu gdje se vrši inspeksijski nadzor, istoj prvo rekao „da inspeksijski nadzor neće završiti da će on prije u zatvor u Zenicu“, a kada je inspektorica nastavila da radi nekoliko puta joj fizički odgurnuo ruke sa tastature laptopa, pa kada ga je ona upozorila da je ne smije dirati istoj rekao da je u pravu, a potom joj poklopio laptop i isti odmaknuo od nje na kraj stola, spriječivši je da završi službenu radnju, svjestan da na taj način silom pokušava spriječiti službenu osobu u vršenju službene radnje koju je poduzela u okviru svojih ovlasti, što je i htio, nakon čega je izvadio i otvorio novčanik i iz istog izvadio neutvrđenu sumu novca i to više novčanica u apoenima od po 100 Eura i iste bacio za susjedni sto pored inspektora J. Š. govoreći „da se dogovorimo“,

svjestan da na taj način službenim osobama u Federaciji čini dar da u okviru svoje funkcije ne učine što bi morali učiniti, što je i htio, što su inspektori ponovno odbili, u kojem trenutku je B. M. rekao da će ih slikati pored novca i reći da su od njih iznuđivali novac, pa kada je u jednom trenutku neko od prisutnih rekao da dolazi policija, B. M. pokupio novac koji je prethodno bacio na sto, te izašao iz objekta u ljetnu baštu, nakon čega je po dolasku policije i u prisustvu policije nastavljen i okončan inspekcijski nadzor sačinjavanjem zapisnika broj od 24.07.2024. godine,

Dakle, M. N. službenoj osobi u Federaciji učinio dar da u okviru svoje funkcije ne učini što bi morala učiniti, a **B. M.** službenoj osobi u Federaciji učinio dar da u okviru svoje funkcije ne učini što bi morala učiniti, te silom pokušao spriječiti službenu osobu u vršenju službene radnje koju je poduzela u okviru svojih ovlasti,

Čime su počinili:

M. N. krivično djelo davanje dara i drugih oblika koristi iz člana 381. stav 1. KZ F BiH, a **B. M.** krivično djelo davanje dara i drugih oblika koristi iz člana 381. stav 1. KZ F BiH i krivično djelo sprečavanje službene osobe u vršenju službene radnje iz člana 358. stav 1. u vezi sa članom 28. i 54. KZ F BiH.